

22726

375
—
2-29

2010

7-29

Ի ՎԵՆԵՏԻԱ

Ի ՔԱՂԱՆԴՈՆ



Ի ԲԵՐԱ




Ի ՏՐԱՊԻԶՈՆ

Ի ՊԱՐՏԻԶԱԿ



ՅԱՅՏԱՐԱՐՈՒԹԻՒՆ
ՄԻԹԱՐԵԱՆ, ՎԱՐՁԱՐԱՆԱՅ



ԾՐԱԳԻՐ

ԵՒ

ԴԱՍԱԻՈՐՈՒԹԻՒՆ




ՎԵՆԵՏԻԱ. — Ս. ՂԱԶԱՐ

1896

370
1967-80

375:373
2-29



ՅԱՅՏԱՐԱՐ ՈՒԹԻՒՆ

Ախիթարկան

ՎԱՐԺԱՐԱՆԱՅ

15144

10631-42



Ծ Ր Ա Գ Ի Ր

Ե Ի

Դ Ա Ս Ա Ի Ո Ր Ո Ի Թ Ի Ի Ն



1



ՈՎԱՆ ԴԱՆ Մխիթարեան դպրոցք՝ մի մարմին կը
կազմեն ընդ Մուրառ-Ռափայէլ վարժարանին, հե-
տեալ գաղափարգութեամբ. —

Նախակրթարանք (Elémentaires) են յԱրեւել
գտնուած մեր ամեն դպրոցներն. միայն Քաղկեդոնի
վարժարանն է կրթարան (Gymnase). Լսարան
(Lycée) Մուրառ-Ռափայէլեան վարժարանն ի
վեներիկ, և Համալսարանական (Universitaire)
վարժարանն՝ յԵւրոպա:

2

Մեր բոլոր Նախակրթարան կոչուած դպրոցք՝ ունին մի և նոյն
ծրագիր ուսմանց, առաջնորդող առ կրթարանն Քաղկեդոնի:

6555-58

3

Այն ամեն աշակերտը՝ որը պիտի մտնեն ի Քաղկեդոնեան Կրթարան, Մուրատ-Ռափայէլեան Լսարանն երթալու նպատակաւ՝ պէտք են ուղղակի գրել առ Նախագահ Ուսումնական Ժողովոյս ի վենետիկ, այսու հասցէիւ Տեսչոյքին Մխիթարեան վարժարանաց — վենետիկ — Իտալիա. Գաղ-ղիարէնն՝ այսպէս. Direction des Ecoles Mékhitharistes.

VENISE — S^t. LAZARE — ITALIE.

4

Նախակրթարաններէն ի Կրթարան անցնելու համար՝ պէտք են աշակերտք աւարտած ըլլալ նախակրթարանական ծրագիրը, և պիտի քըն-նուին ի Կ. Պոլիս հաստատուած Յանձնաժողովէն:

5

Պիտի պահուին ձրիաբար Քաղկեդոնի Կրթարանին մէջ՝ ի հաշիւ Մուրատայ 25 և Ռափայէլի 5 աղքատ և որը մանկունք, ուշիմք և բարի վարուք ընտիրք:

6

Այդ 30 աշակերտներէն տասն միայն պիտի ըլլան Կ. Պոլսեցիք, և մնացեալ քսանքն ի գաւառաց:

7

Աշակերտաց ընտրութիւնը ըստ սահմանեալ կարգաց՝ համեմատական թուով պիտի ըլլան այլևայլ տեղերէ:

8

Աշակերտք երբէք պիտի չկարենան գրաւել իրարու իրաւունքը:

9

Ի հաշիւ վենետիկոյ Լսարանին պահուելիք 30 ձրիավարժ աշակերտ-

ներէն դուրս, Քաղկեդոնի Կրթարանին մէջ կ'ընդունուին նաեւ ուրիշ թոշակաւորք:

10

Այն ամեն աշակերտք, որոնք երկու անգամ ի Քաղկեդոնեան Կրթարանի քննութեան մէջ չեն յաջողիր, կը կորսնցընեն այնուհետեւ ձրիաբար հոն մնալու իրաւունքը:

11

Բաց ի Քաղկեդոնեան Կրթարանէն՝ ուրիշ ոչ մէկ տեղէ չեն կարող աշակերտք անցնիլ ուղղակի ի Լսարանն վենետիկոյ:

12

Վենետիկոյ Լսարանն անցնելու համար՝ պէտք են աշակերտք կատարած ըլլալ երկու ճարտասանական տարիներն, և քննուելով ի Կ. Պոլիս հաստատուած Յանձնաժողովէն՝ ունենալ անոնց վկայագիրը:

13

Վենետիկոյ Լսարանն անցնող աշակերտք, պէտք են առ նուազն ըլլալ հնգետասանամեայք:

14

Քաղկեդոնեան Կրթարանի Տեսչութիւնը պիտի յղէ ի վենետիկ, տա-րուէ տարի, 15 յարմար աշակերտներ:

15

Վենետիկոյ Լսարանին մէջ պիտի մնան աշակերտք երեք տարւոյ չափ՝ որոնք համալսարանական դպրոցի ծրագրի պահանջած ուսմունքները դեռ ուսած չեն:

16

Առաջին երկու տարիներուն մէջ պիտի ուսանին և աւարտեն իմաս-

տասիրական կոչուած դասընթացքը: Իսկ երրորդին մէջ պիտի պարապին
ի պատրաստութիւն համալսարանի և գեղարուեստի:

17

Անոնք՝ որք կը փափաքին ընել վաճառականութեան, չաշուեկա-
լութեան, Նաւային և Երկրագործութեան ընթացք, եթէ արժանաւորը
են՝ պիտի կարենան յաճախել Քաղաքիս վաճառականական և Նաւային և
Երկրագործութեան բարձրագոյն վարժարանները:

18

Թիւ ձրիավարժ աշակերտաց վէնետկոյ Լսարանին՝ պիտի ըլլայ շուր-
ջանակի 45:

19

Կ'ընդունուին լիաթոշակ աշակերտք ալ՝ յետ քննուելու ի Քաղկե-
դոն՝ ըստ ծրագրի Յայտարարութեան վէնետկոյ Լսարանի:

20

Աշակերտք՝ յետ որոշեալ երեք տարիները կատարելու գովութեամբ
և յաջողութեամբ վէնետկոյ Լսարանին մէջ, — համաձայն ծրագրին որ
ի վէնետիկ, — արժանաւորքն ըստ ամենայն մասանց՝ պիտի անցնին ի
Համալսարանական վարժարան:

21

Ռուսահպատակ ազգային վարժարանաց այն աշակերտներն՝ որոնք կը
ցանկան մեր Համալսարանական վարժարանն անցնիլ, — առանց մնալու
ի Կ. Պոլիս, — հարկ է որ սորա ծրագրի պահանջածին համաձայն ուս-
մունքներն ըրած, և Քաղկեդոնեան Կրթարանէն անցած ժամանակ՝ այն
տեղի Յանձնաժողովէն նախապէս քննուած և վկայական առած ըլլան:

22

Նոյնպէս Եւրոպիոյ քաղաքներէն և Եգիպտոսէ աշակերտք կ'ընդու-
նուին, եթէ ունենան վկայական պահանջեալ ուսմանց և բարի վարուց՝
տեղոյն վարժարանէն:

23

Համալսարանական ձրիավարժ աշակերտաց ծախքը բովանդակապէս
Սամուէլ Մուրատի կտակէն մատակարարուելով, հաստատութիւնն ևս լոկ
Մոշրատեան պիտի կոչուի:

24


Թիւ Համալսարանական աշակերտաց պիտի ըլլայ ոչ նուազ քան
չոտան և հինգ:


25

Համալսարանական աշակերտք միտքան պիտի ապրին, հսկողութեան
ներքե, և պիտի ունենան իրենց յատուկ կարգերն և կանոնները:



10323-5





22726

2013

ՀՀ Ազգային գրադարան



NL0056951

